

MATLA ! E SENG DINOLWANE

MATLA GO BOLOKA.

“Re ne re sa latele dithamane tse di rulagantsweng ka botlhale, ga re lo itsise nonofo, le go tla ga Morena Jesu Keresete, me re ne re le basupi ba re boneng borena (kgalalelo) ywa gagwe ka matlho.” (2 Petere 1:16).

Bangwe ba ka dira gore re dumele gore Bibe le dirilwe ka dithamane; kgang tsa maitirelo a mofuta o seng nnete, kgang tsa maaka tse di tlhamiwang ke batho. Empa Petere moapostola, o re bolella ka **matla** le go tla ga Jesu Keresete, yo bammoneng ge a felolwa pele ga bone kwa dithabeng, ba bona kgalalelo ya gagwe, ba utlwa kodu ya Modimo e tswa mo lerung, e re, “Yo ke Morwake, yo ke itumelang thata mo go Ena.” (Matt. 3:17).

Moapostola Paulo o re bolella gore ga a tlhabiwa ke dtlhong ka Evangeli ya Keresete, gone ke matla a Modimo a isang polokong mo go mongwe le mongwe yo o dumelang, go Mojuda le go Modichaba. (Baroma 11:6). Keresete O tiile go boloka baleofi.

Ga go yo bosula thata ka yo molemo thata yo Keresete a ka se kgone go mmoloka. O nonofile go boloka rure ba ba atamelang go Modimo ka Keresete Jesu. (Bahebera 7:25). O na le matla go boloka letagwa le le tlhobogilweng, O boloka serukhutli, legodu le yo maaka. O bolokile mmolayi mo sefapaanong. O bolokile sefebe sa Samaria. O bolokile setsenwa sa Gadara se se neng se na le batimona

ba bantshi. O kgalemetse dintelo tsa lewatle a boloka Petere gore a se nwele. O boloka le batho ba tumelo ya ka Saulo wa Tareso o a bileng Paulo yo matla.

Mo Afrika, O bolokile diketekete tsa meya. Bangwe e ne e le matagwa, bangwe ebe e le banna le basadi ba ba se nang maetsholo. Dingaka tse dithata tsa setswana di bolokilwe. Mongwe o

bidiwang Masoebe e ne e le ngaka ya setswana e thata nakong ya gagwe. O ne a itse go dira “Tshokolosi,” moya o bosula. O ne a le matla go dira pula. O ne a le letagwa a se na maetsholo. Empa letsatsi lengwe, ge a utlwa Evangedi e rerwa a bona ka mo Modimo O fodisitseng balwetsi le digole kwa ntle go setlhare, a bolokega ka tsela e makatsang. A boela legaeng la gagwe dithabeng tse kgolo tsa Basutoland. A kgobokanya dithare tsothe tsa gagwe le ditaola a di latlhela legageng le letona la Maletsunyane la bophagamo ba maoto a 630 (630 feet high). A tshuba metsoko le metekwane yotlhe ya gagwe, a tsholla le mayalwa otlhe a gagwe, ka a ne a ikaletse go se tlhole a e nwa boyalwa le eseng go kgoga metsoko le motekwane ka tsela e feng. A nna Mokeresete wa nnete, a itsiwe ke botlhe ga e le monna wa nnete wa Modimo. Ga go motho o a ka neng a fetola bophelo ba monna o ga e se Keresete.



LEGAGU LA MALETSUNYANE (630FT) Basutoland

Ke kwa Masoebe, ngaka e kgolo ya ditaola, a latlhetseng 'pheko tsa gagwe, le dithare tsothe tsa bohete le ditaola ge a sena go bona bophelo jo boshia go Keresete.

Ke itse monna mongwe o e neng e le Tsotsi tota, a phela ka go utswa, go tsietsa le go thoba gothe

mo a leng teng. O ne a nna mo teronkong ga ntsi. Empa matla a Evangedi a boloka monna o yo gotlhe gotlhe, a fetola bophelo ba gagwe gotlhe a modira moreri yo makatsang wa Evangedi. Ka thero ya gagwe gwa tlhabologa botsotsi, matagwa, magodu le babolayi batswa mehuteng yotlhe ya batho, bahumi, badidi, basweu le batsho.

Ona matla a bolokang a, le nna a mpolokile go ka nna gaufi le jara tse 50 ebile a mpolokile mo dijareng tsotlhe tseo. A bolokile bakaulengwe le dikgaetsadi tsa me. A bolokile Mme wa me o rategang. Le wena a ka go boloka ka punya leitlho ga o ka rata Jesu a tsena pelong ya gago. Tumelo ga e na go go boloka. Ga ya ka ya mpoloka, empa Jesu O boloka mongwe le mongwe yo tlang go Ena. Gonne O tletse sona se mo lefatsheng.

Kgwedi di se kae tse fetileng re ne re nna le motlhologadi, yo monna wa gagwe, re ka reng, o ne a phela mo heleng go feta dijara tse 20, a nwa go ya lesung, a tlhokofatsa bophelo ba mosadi le bana ba gagwe. Mme bone ba tswella go morapella, me Modimo wa mmoloka wa mo golola mo dibeng tsa gagwe. Matla a Evangedi ga a boloke motho a le mongwe fela, a boloka lapa lotlhe, motse othe, teropo yotlhe le lefatshe lotlhe.

Tsoseletso e neng e le teng kwa Wales, go feta jara tse di 60, e ile ya boloka metse yotlhe ya boloka England mo ntweng ya gare ga dichaba. Thero ya Jona e bolokile Ninife mo tshenyegong. Modimo O ka boloka merafe yotlhe. O rile: "**Lebang kwa go Nna**, le bolokwe, lona botlhe dikhutlo tsa lefatshe." (Isaia 45:22).

Bibele le tiragalo ya lefatshe e tletse ponagalo ya nnete ya matla a Modimo a bolokang. Ke ka moo moengedi a rileng go Josefa, pele Jesu a tswalwa: "U tla mo raya leina Jesu; gonne o tla golola batho **mo dibeng tsa bone**." (Matt. 1:22). (Ka thapelo ela tlhoko, Go tswa dibeng e seng gonna dibeng).

MATLA GO FODISA.

"Ke Nna Jehofa yo go fodisang," go bua Modimo go Moshe (Eksoda 15:26). Modimo O supile bonnete ba Lefoko la Ona bo bo sa rojweng. E ne e le Ena esi Mofodisi mo jareng tse 40. Go ne go se ope o lwalang mo bathong ba ka nnang 3,000,000 le e seng go nna bokowa. Ga ba ka ba sebedisa setlhare kampo ngaka. Le morago ga ba sena go longwa ke dinoga, tebo gangwe fela mo nogeng ya kgotlho (se supo sa Keresete) e ba phedisitse ya ba fodisa.

Makgolo le dikete tsa batho ba phelang ka jeno ba ka paka matla a phodiso ya Morena Jesu Keresete. Molepera o tilileng go Jesu o ntlafaditswe ka pele. Difofu tsa bulwa matlho. Ba susu le dimumu ba simolla go utlwa le go bua. Ditlhotsa le digole tsa tsamaya. Le baswi ba tsosiwa ke matla a tsogo ya Morena wa rona Jesu Keresete. Ga go sena matla a phodiso mo Evangeding le mo leineng la Morena Jesu, kgang e ka be e ise e kwalwe, gonne le nna

ka nosi ke fitlhile monyakong wa lesu ga ntsi ka malwetsi a boitshegang, empa ka fodisiwa ke matla a Lefoko la Gagwe. Ka nnete O rwele dibe le malwetsi a rona mo meleng wa Gagwe mo sefapaanong **re fodisiwa ke dingalo tsa Gagwe**.

Mo Pesalema 103:2,3 re buisa: "Baka Jehofa, moya wa me. Yo itshwarelang maikopo aotlhe a gago; a fodisa malwetsi a gago aotlhe." Jesu Mofodise yo boitshepo, ga a fodise mmele o lwalang fela, empa le ona moya o lwatsang ke sebe. O fodisa ba pelo le moya o botlhoko o robegileng. "O rurisa moya wa me," go bua Dafide. "Ke tla le busetsa pholo, ke tla le fodisa," re bala mo Jeremia 30:17. Modimo O dirileng motho ka lerole la lefatshe o nonofile go re rurisetsa pholo re nne re phetse ka etekanelo.

Ga nkitla ke lebala morwa wa kgosi kwa Basutoland o a utlwisiteng mokokotlo wa gagwe botlhoko ka go wa mo pereng (pitse). O ne a swa go tloga ka letheka go fitlhella menwana ya maoto. O ne a pallwa go suthisa leoto, kapa menwana, a robala ka mokokotlo jara tse pedi. Ka matla a Evangedi a bona boitshwarelo ba dibe tsotlhe tsa gagwe le bophelo yo boshwa mo go Keresete. A fodisiwa ka pele fela e le ka karabo ya thapelo, a ema ka tumelo a tana pitse ya gagwe gape.

Phodiso ya Madihotetso, moja-boswa bya bogosi yo bo humileng ywa Basutoland, bo tsikintse lefatshe lotlhe. O ne a tsenwa e le setsenwa se bohloko ka dijara a bofiwa ka diketana tsa mefuta. Go se ngaka ya mosweu kapo motsho e ka mo thusang. Empa Modimo wa mo golola morago a sena go rapellwa ke mongwe wa batlhanka ba Ona.

Ga ke na go lebala Moh. van Rooyen, mosadi o mongwe wa balimi ba itsiweng kwa Orange Free State, o lwetseng thata morago ga go tshola ngwana wa gagwe wa ntlha. Mo dijareng tse 15 o ne a segwa (Opereitiwa) ga 24 ga bohloko. A neelwa go swa kwa polaseng. A sena go itsikinya setho sepe, a sa tlhole a bona le e seng go utlwa. A epelwa lebitla, lekese la rekwa, ba lesika ba bolellwa gore ba tle philthong. Empa Modimo wa tla wa roma mongwe wa batlhanka ba Ona go rapela thapelo ya tumelo. Ge a rapela a bua Mareko 16:18 "Ba ba dumelang ... ba tla baya diatla mo baboboding, me ba **tla** fola." Modimo wa ama mosadi wa mo fodisa gotlhe.

MATLA A MADI A JESU.

Ke fela ka matla a Madi a Jesu a dipelo tsa rona di nna phepa di thatswiwa mo dibeng tsotlhe. Ga go na sesepa kapa setlhare kapa mehuta epe ya ditlhare e kgonang go tlosa sebe. "Ga re re ga re na sebe, rea itsietsa, le boamaruri ga bo yo mo go rona. Ga re ipobole dibe tsa rona, Modimo O boikanyo le tshiamo ya go re itshwarela dibe tsa rona, le go re tlhapiswa mo tshiamololong yotlhe. Madi a Jesu Keresete Morwa Ona a re tlhapiswa mo maleung othe. (1 Johane 1:7-10). Mo Ponatshego 7:9-17, re buisa (boididi) letshwititshwiti le legolo la batho le go seng ope a ka le balang, ba merafe

mongwe le mongwe, le ditso tsotlhe, le batho, le dipuo, ba tlhatswitseng **diaparo** tsa bone (dipelo) ba di dira ditshweu mading a Kwana.

Petere le Johane ba re bolella ka matla a kgololo mading a Jesu a sa re tlhatsweng fela mo dibeng tse fetileng empa mo sebeng tota le mo pusong le matleng a sebe. Modimo O re itheketsa ka madi a Morwa Ona.

Re ya itse ga re sa rekololwa ka silbera le gouta, empa ka madi a botlhokwa a Keresete, e le Kwana e se nang bogole le ga ele sebala. (1 Petere 1:18, 19). O ne wa rekololela Modimo batho ba ditso tsotlhe, le ba dipuo tsotlhe, le batho botlhe le merafe yotlhe ka madi a Gagwe, me wa re dira dikgosi le baperesita. (Ponatshego 5:6-9).

Madi a Jesu a na le matla go re sireletsa mo matleng a bosula a mmaba. E ne e le madi a Kwana a gasitsweng mo dikoseneng tsa mabati a dintlu tsa bone, a ileng a sireletsa bana ba Israele kwa Egepeto, go mosenyi o bolaileng ba maitibolo botlhe. Modimo O rile "Ke tla re ke bona madi, ke tla tloganya." (Eksodo 12:13). E ne e le mogala o mogibidu moseponeng o o bolokileng Rahaba le batho botlhe ba gabo ge Jeriko a wa. (Joshue 2:18-21). Go ntse jalo madi a Jesu a na le matla go go boloka le ba ntlu ya gago ga le dumela. "Dumela mo go Morena Jesu Keresete, me o tla bolokwa, le ntlu ya gago." (Ditiro 16:30,31).

Batho ba ba nnang kwa nageng e lebala ya Basutoland ba bofella masela a mahibidu mo magetleng a dikgogo tsa bona, gare ga diphuka tsa tsona ba itse gore segootsane se ka se tlhasele kampo sa tsaya kgogwana e nang le lesela le le hibidu magetleng a yona.

Re bala gape mo Ponatshego 12:11, gore baitshepi ba Modimo ba fentse Satane ka matla a madi a Kwana. Temana e latelang e nnete –

Go matla, matla, matla a makatsang a sebetsang,
Mo Mading a Kwana;

Go matla, matla, matla a makatsang a sebetsang,
Mo Mading a botlhokwa a Kwana.

MATLA A THAPELO.

Matla a thapelo ya tumelo le e itshepisetsweng ga a fele. Thapelo e fetola dilo. Jesu O rile: Kopa o tla fiwa. Moleperwa o a neng a tlhoka thuso, o kopile Jesu go mo ntlafatsa – Jesu a dira jalo. Lepero la mo tlogela ka bonako. Monna wa sefofu a llela go Jesu me a amogela pono ya gagwe. Banna ba bane ba rwalla molwetsi wa tataselo go Jesu, ba mo kopa gore a mo fodise – Jesu a dira jalo. Go bophelo le matla a poloko mo thapelong go feta di athomike **bomb** kapa dipompo tsa mofuta ofe. Thapelo ga e boloke motho a le mongwe fela, e fetola le morafe otlhe.

Elija, e ne e le motho jaaka rona, a rapela ka thloafalo gore pula e sene, ya se ke ya na sebaka

sa jara tse tharo le halefo. A rapela gape, magodimo a nesa pula. A rapela thapelo e bonolo gape mollo wa tswa legodimong, wa tshuba sethabelo, dikgong, matlapa le lerole, wa latswa le metsi otlhe. Morafe otlhe wa Israela wa busetswa go Modimo ka thapelo ya monna a le mongwe. Kgosi Heseikia a rapela Modimo ge mmaba a ba theogela jaaka morwalela. Ka karabo ya thapelo ya gagwe moengedi wa Morena a bolaya 185,000 ya masole mo kamping ya mmaba. Jesu a rapela go fitlhela sefatlhego sa gagwe se fetoga le seaparo sa gagwe se nna se sweu se phatsima. A rapela masigo a tletseng. A itima go ja a rapela. A rapela a le botlhokong, a rapela ka thloafalo go be mofufutso wa gagwe o nne, re ka re, jaaka marothodi a madi. A fenyha sebe, nama le tiabolo ka thapelo. O re boletse gore re rapele ka gale.

MATLA A TUMELO LE LERATO.

Jesu O rile ga re na le tumelo e ka ka tlhaka ya mosetare re tla suthisa dithaba. (Math. 17:20). Ga go se se palang ka tumelo mo Modimong. Ka tumelo ba fenyha mebuso, ba tliša tshiamo, ba amogela ditshepiso, ba thiba magano a ditau, ba tima bogale ba mollo, ba falola bogale ba lerumo, mo bokoweng ba dirwa thata, ba nna dinatla mo ntweng (Dafide le Goliath), ba leleka dintwa tsa ditshaba tsa baeng. (Baheberere 11:33,34). Tumelo ke phenyo e fenyang lefatshe. (1 Johane 5:4). Ka lerato, le gale, re bona matla a magolo a go iponatsa ga Modimo. Lerato le thata jaaka lesu. Le fenyha lenaba le le thata. E rile ga re sa ntse re le baleofi, Keresete a re swela, gonne e rile re sa ntse re le baba ra letlangwa le Modimo ka losu lwa Morwa Ona (Baroma 5:8-10). E ne e le matla a lerato a dirileng gore modimo O fe rona baetsadibe, Morwa Ona a le esi, gore mang le mang a dumelang go ena a seka a fela empa a be le bophelo bo sa feleng. (Johane 3:16). Lerato le la Modimo le a re gapa, le re fa thata go mo direla, le go tshetsa melao ya Gagwe, le go tsaya sefapano sa rona ka metha re mo latele. Le koba poifo yotlhe. Ga go sepe se se ka re aroganyang le lerato la Keresete. Re bogolo go bafenyi ka Ena yo re ratileng. Go le loso, kapo botshelo, kapo baengedi, go le magosana, go le dithata, go le dilo tse di leong, go le dilo tse di tla tlang, go le bogodimo le boteng, le ga e ka bo e sebopiwa sengwe le sengwe ga go kitla go nonofa sepe go re kgaoganya le lerato le le matla la Modimo ka Keresete Jesu. (Baroma 8:35-39).

MATLA A GO GOGA.

Jesu ke matla a magolo a go goga. Ke Ena a gogelang batho go Ena. "Me nna ga ke tlhatlosiwa mo lefatsheng, ke tla gogela batho bohle kwa gona." (Johane 12:32). Jesu ga a re kobe ka poifo jaaka Satane a dira. Jesu O re goga jaaka ka modisa yo molemo a goga dinku tsa gagwe. "Nkgoge, re tla siana re go setse morago." (Sefela sa Difela 1:4). O re goga a re ntsha mo sebeng le mo lefatsheng gore re mo latele mo mahulong a matalana le metsi a didimetseng. Ka bonako Morena ka esi o tla fologa kwa legodimong ka

loshalaba, le ka lentsu la moengedi o mogolo, le ka lonaka la Modimo; me baswi ba swetseng mo go Keresete ba tla tsoga pele, rona ba re tla bong re tshedile re tlogetswe re tla tsholediwa mmogo nabo – ka ponya leitho – go kopantsha Morena kwa lewaping, me jalo re tla nnela ruri le Morena. (Bathesalonia 4:13-18; 1 Bakorinta 15:51-58).

MATLA A POPO.

Pele ga ke khutla, ntumelle ke bue ka matla a popo ya Evangedi a dira dibupiwa tse mpya ka rona, go dira boitshepi ka baleofi. Kgosi Dafita o ne a itse sengwe ka matla a ge a rapela. Bopa pelo e itshekileng mo gonna, O Modimo O be O shafatse moya o o siameng mo teng ga me. (Pesalome 51:10). Morago ga diphenyo tse a di fentseng mo babeng ba Modimo, a fitlhela e le gore mmaba o mogolo ke eena ka nosi, pelo ya gagwe e maswe, e bo fereferere e botlhoko thata, e mang yo o ka e tseng. (Jeremia 17:9).

Jesu O re boleletse gore kwa teng go tswa mo pelong ya motho, go tswa megopolo e bosula, le boaka, dikgokafalo, dipolao, bogodu, bopelotshetlha, bosula, boikepo, boepe le leitho le le bosula, kgalo le bopelompe, le bosilo. (Mareka 7:21-23). Dafide a lemoga gore ga a na go fetola pelo ya gage, le eseng go ntlafatsa, ka jalo a rapela ka tlhoafalo, ka tshekiso e kgolo, gore Modimo O tlhodileng legodimo le lefatshe, a bope le pelo e itshekileng mo go ena, a mo fe le moya wa tshiamo, Moya O o Boitshepo. Modimo O arabile thapelo ya gagwe, gonne, e ke tshepiso ya gagwe mo Testamenteng e Kgologolo: "Ke tla lo naya pelo e mpya, ke tla tsenya moya o mofya mo teng ga lona: ke tla tlosa pelo ya lentswe mo nameng ya lona, me ke tla lo naya pelo ya senama." (Esekiele 36:26,27). "Ke tla tsenya melao ya me mo megopolong ya bone, ke e kwala le mo pelong tsa bone." (Baheberere 8:10,11).

Re ka bua go le go tona ka matla a Lefoko la Gagwe le le leng bonako, le matla le le bogale jaaka Chaka e magale mabedi, matla a tsogo ya Gagwe, bogolo bo bo tona ba matla a Gagwe go rona, ba re sa dumeleng mo mathamanganeng (dinolwane), empa e le mo tshehetsong ya matla a Gagwe a a tlisitseng ka Keresete, ge a mo tsosa mo baswing, a maya mo letsogong la Ona le legolo mo manno

a selegodimo, kwa godimo ga puso yotlhe, le taolo, le thata le bogosi. (Baefesia 1:15-21).

Jesu O rile: "E tla re Moya o o Boitshepo o sena go tla mo go lona, lo tla bona nonofo." Ka ona matla ao, Jerusalema otlhe o ile a tsikinyega ka letsatsi la Pentekose. Matla ao a ntse a le teng le-ka jeno, gonne tshepiso ye ke ya lona, le bana ba lona, le botlhe ba ba kwa kgakala, e bong botlhe ba Morena Modimo wa rona o tla ba bitsang. (Ditiro 1:8; 2:39).

MATLA MO INENG LA JESU.

Re ka bua ka thata ya matla a ina la Jesu, lona leina fela le filweng batho, le re bolokwang ka lona. (Ditiro 4:12). Jesu a re, "ba tla kgoromeletsa ntle batimona ka leina la me, ba tla bua dipuo tse mpya, ba tla baya diatla mo baboboding (balwetsi), me ba tla fola." (Mareko 16:17,18). "Se le se lopang ka leina la me, shona ke tla se dira. (Johane 14:13,14; 15:16; 16:23). Petere a re go monna yo a golofetseng bo seeng (e sa le ngwana) "Mo ineng la Jesu Keresete wa Nasaretha, tsoga o tsamaye." Me a tsapoga, a ema, a simolola go tsamaya a baka Modimo. (Ditiro 3:1-9). Ga go makatshege ga leina la Gagwe e le KGAKGAMATSO, MOGAKOLODI, MODIMO MOTHATA, RARA WA BOSAKHUTLENG, KGOSANA YA KAGISO. (Isaia 9:6,7). Modimo O phagamisitse Jesu, O kileng a swela wena le nna mo sefapanong, a mo fa leina le le phagametseng maina otlhe; gore mangole a otlhe a khubamele leina la Jesu, a dilo tse di kwa legodimong, le a dilo tse di kwa lefatsheng, le tse di kwa tlase ga lefatshe; le gore diteme tsothe di bolele ga Jesu Keresete e le Morena, kgalaletsong ya Modimo Rara." (Bafilipi 2:10,11).

"Ga o tla ipolela ka molomo ga Jesu e le Morena, o ba o dumele mo pelong ya gago ga Modimo O mo tsositse mo baswing, o tla bolokwa." (Baroma 10:8-11).

Oba mangole a gago JAANONG fa pele ga Gagwe mo thapelong, dumela **Jaanong** mo go Ena yo suleng a be a go tsogela, o mo ipolele mo bathong le mo Modimong ka molomo wa gago pele go nna llata. Mang le mang yo dumelang go Ena ga a kitla a tlhabiwa ke ditlhong.

J.R. Gschwend.

The popular "Heart Book" with its soul-saving message is obtainable in over 500 languages. Many have found salvation even just by looking at the pictures.

Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

EMAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)